


sint oportet, ita, ut ex his animalia gignantur; nam ex imperfecto nullum. Non extra fiunt, sed intra: quoniam frigida sunt; quod testatur Aristoteles lib. 1. cap. de Historia animalium; quo fit, ut vulva Viperæ sit similis Cartilagineorum piscium vulvis. Plinius, qui Aristotelem est sequutus, hunc in modum tradit: Vipera sola intra se ova retinet, & tertie die intra uterum catulos parit; deinde excludit; reliqua serpentina contexta ova in terra incubant, & foetum anno sequenti cubando expediunt. Est igitur communis approbatio apud Philosophos & Medicos, solam Viperam ex omni serpentum genere è corpore animal edere; quamquam aliqui secus sentire videntur, quibus inferius respondere decrevimus. Quid igitur sit Vipera ex descriptione, & diffinitione clarè unicuiq; patet.



*COGNITA FORMARUM  
differentia quæ superius explicata fuit, necessario confirmanda est ob quosdam pertinacis obstinationis in hoc orbe aliter statuentes.*

CAP. III.

POSI-